



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.61. Theodori mors. Michaël Palæologus Imperator Græcus.

[urn:nbn:de:hbz:466:1-66255](https://nbn-resolving.org/urn:nbn:de:hbz:466:1-66255)

dicatorum erat hanc absolutionem dare. Sæcul. XIII.
A.C. 1259
 Si Palavicinus ac cæteri Ecclesiæ rursum se submittere velint, pacta cum Manfredi quondam Tarenti Principe, aut cum reliquis Dei ac Ecclesiæ inimicis conflata rescindere debent ac satisfacere in punctis omnibus, ob quæ a sancta Sede proscripti fuere. Nullum inter civitates foedus Ecclesiæ Romanæ nomine jungas: non convenit, eam tale negotium in se suscipere. Nec milites sacros conscribi cura, quia Deus commiserans Ecclesiam suam ab Ecelino liberavit: & quod ad redemptionem votorum attinet, nos ei providebimus. Dabat 13 Dec. 1259.

§. LXI.

*Theodori mors. Michaël Paleologus
Imperator Græcus.*

Hoc ipso anno Manfredus Michaëli Epirotarum summo Principi, cujus filiam sibi nuptiis junxerat, subsidium misit contra Michaëlem Paleologum Græcum Imperatorem Constantinopolitanum. Imperator Theodorus Lascaris correptus morbo, cui Medici nullum remedium inveniebant, se fascino affectum credidit, ac ex levissima suspitione delatos comprehendit, nullo purgationis modo eis relicto, quam ferri candentis periclitatione: nam hæc superstitio Græcos etiamnum

Acropol.

n. 81.

Id. n. 74.

Pachym. l. 3.

c. 12.

num

Sæcul. XIII. num tenebat. Cum morti proximum se
 A.C. 1259. videret, monastica indutus veste accersito
 Archiepiscopo Mitylenensi facta noxarum confessione, ad ejus pedes prostratus lacrymis humum rigabat suis, sæpius clamans: JESU Christe! ah te deserui; suaque manu largam distribuit stipem. Sic vitæ curriculum confecit anno ætatis trigesimo sexto, regiminis sui quarto nondum completo, quod mense Novembri 1254 inceptum mense Augusto 1258 finiit. Filium reliquit necdum octo annos natum, ac testamento suo Governatorem Imperii declaravit Præfectum vestiarum Georgium Muzalonum. Quem tanquam hominem fortunæ omnia debentem Optimates nono post Theodori obitum die in ipso templo, ubi funeris exequiæ celebrabantur, de medio sustulere.

*Gregoras
lib. 3. c. 2. n. 6.*

*Maur. David. animad.
in Possin.*

Tum in Michaëlem Paleologum, qui etiam nomen Comneni ex avia sua capiebat, conversi sunt oculi: & Arsenius Patriarcha Constantinopolitanus parvi Principis Tutor una cum Muzalono designatus se passus est permoveri, ut illi summam rerum traderet. Hic Præsul pietatis studio quam politicis artibus clarior cum primoribus Episcopis Imperique Proceribus inito sæpius consilio consensit, ut, quamdiu parvulus Imperator Joannes Lascaris minor annis esset, Michaël Paleologus

Paleologus primariæ potestatis clavum cum Despotæ titulo teneret. At paulo post Imperii Optimates Magnesiæ Paleologum scuto impositum proclamant Imperatorem. Patriarcha Arsenius, qui tunc Niceæ agebat, rei nuncio vehementer afflictus, pusilloque Principi metuens, proscribere Paleologum ac electores ejus cogitabat primum: sed imperans iræ juramentis potius terribilissimis adstringendos credidit, ut ne appeterent vitam pueri, aut ei malefacerent. December inierrat, quo vix elapso, nempe 1 Jan. 1259 Patriarcha ipse Michaëlem Paleologum tanquam Imperatorem Niceæ ad aram coronavit, sed solummodo ad tempus, donec scilicet Joannes Lascaris regnando per ætatem par esset, eaque conditione, ut tunc ille ultro relicto folio cuncta imperatoriæ dignitatis insignia poneret: atque hoc sibi promitti, promissumque per juramenta prioribus grandiora firmandum curavit.

Sæcul. XIII.

A. C. 1259.

Greg. lib. 4.

c. 1.

Acrop. n. 77.

Pachym. l. 2.

§. LXII.

Flagellantes in Italia.

Interim Italiam corripuit pietatis ardor hactenus inauditus. Perusiæ coeptus Romam venit, indeque in reliquam regionem. Nobiles, plebeji, senes ac juvenes immo quinquennes pueri ob crimi-

na